

ՆՈՐԱՀԱՅՏ ՎԻՄԱԳՐԵՐ ԽԱՂՔԱԿՅԱՆ ՏՈՀՄԻ ՄԱՍԻՆ

ՍՈՒՐԵՆ ՍԱՂՈՒՄՅԱՆ

Խաղբակյան տոհմի պատմությունը համակողմանիորեն ուսումնասիրել է մեծավաստակ հայագետ Գարեգին Հովսեփյանը: Տոհմի նախակարապետ Խաղբակ խաչենցու ավագ որդին նշանավոր Վախթանգ իշխանն էր՝ «տեառն Հաթերքոյ», Մխիթար Գոշի հովանավորն ու Գոշավանքի կառուցման առատաձեռն մեկենասը¹: Վախթանգի եղբայրներ Վասակը և Գրիգորը, ինչպես և Վասակի որդի Պապաքը «արք քաշ և անուանիք, որ յահէ նոցա դողայր ամենայն զօրն տաճկաց»², ճանաչված զորականներ էին Իվանե Զաքարյանի բանակում: Դեռևս միջնադարում բարձր են գնահատվել Վասակ զորապետի մղած պատերազմները Վայոց ձորում, երբ նա, Ախթամար Արփայեցու հետ, Իվանե աթաբեկի հրամանով, ազատագրում էր գավառի ռազմա-ստրատեգիական հանգույցները³: Թուրք-սելջուկների դեմ մղվող պայքարում ցուցաբերած արիության համար նա ստանում է ընդարձակ հողատարածություններ և դառնում «կողմնապահ ի Գառնոյ մինչև ի Բարգուշատ»⁴:

Այս խնդրին անդրադառնալով, Սյունյաց տան պատմիչը նշում է, որ Վրաց թագավոր Լաշայի և աթաբեկ Իվանեի կողմից Լիպարիտ Օրբելյանը «և զմիւս իշխանն զամենօրհնեալն զՎասակ խաչենեցի... կացուցանեն կողմնակալ ի Վայոց ձոր գաւառիս»⁵:

Վասակ Հաթերքոյ իրավասության տակ է անցնում Վայոց ձորի մի մասը, ուր Խաղբակյանները խոշոր վերակառուցումներ են կատարում և նոր շինություններ բարձրացնում:

Թուրք-սելջուկների դեմ տարած հաղթությունների պտուղը արգասաբեր եղավ նաև Վասակի եղբոր՝ Գրիգորի համար: Վերջինիս է հանձնվում Ուրծը, և հոգևոր կենտրոն է դառնում XIII դ. սկզբում Գրիգոր իշխանի ու նրա կնոջ՝ Զազայի ջանքերով կառուցված Աղշոց ս. Ստեփանոս վանքը⁶: Արցախից դուրս կազմավորված այս նորաստեղծ ֆեոդալական տունը, այնուհետև, Հայոց պատմության մեջ հայտնի դարձավ Խաղբակյան կամ Պռոշյան անվամբ: Սակայն Գրիգոր Խաղբակյանի հերոսապատումով լի կյանքը ողբերգական վախճան

¹ Կ ի Ր ա կ ո ս Գ ա ն ձ ա կ ե ց ի, Պատմություն Հայոց, աշխատասիրությամբ Կ. Մելիք-Օհանջանյանի, Երևան, 1961, էջ 215:

² Նույն տեղում, էջ 205: Կ. Գանձակեցու վկայությամբ՝ Վասակ Հաթերքոյ որդիներն էին նաև Մկրտիչը և Հասանը, զոր Պռոշն կոչվեցին:

³ «Պատմութիւն նահանգին Սիսական արարեալ Ստեփանոսի Օրբելեան արքեպիսկոպոսի Սինեաց», Թիֆլիս, 1910, էջ 368, «Դիվան հայ վիմագրության» (այսուհետև՝ «Դիվան»), պրակ III, Վայոց ձոր, կազմեց Ս. Գ. Բարխուդարյան, Երևան, 1967, էջ 123, արձ. 357:

⁴ «Դիվան», պրակ III, էջ 123, արձ. 357:

⁵ Ստ. Օրբելյան, էջ 397:

⁶ Գարեգին Հովսեփյան, Խաղբակյանը կամ Պռոշյանը Հայոց պատմության մեջ, մասն II, Երուսաղեմ, 1942, էջ 142:



в. 4. 1

ունեցավ: 1222 թ., Գանձակի մոտ, ի վանե Զաքարյանի ղեկավարների դեմ մղած անհաջող ճակատամարտում սպանվեց Վասակի որդի Պապաքը⁷, իսկ նրա հորեղբայր Գրիգորին գերեզմանեցին: Ղեկավար հրոսակները Գրիգորին խոստանում են ազատություն՝ հայրենի կրոնը ուրանալու պայմանով: Արի հրամանատարն ու մեծ հայրենասերը, իր տոհմին վայել հպարտությամբ, մերժում է այդ նողկալի առաջարկը: Մոլեգնած ստահակները Քարշեցին զնա մերկ ի վերայ երկրի, և փշով քանցեցին զամենայն մարմինս նորա, և այնքան տանջեցին զնա, մինչև ի գանեին աւանդեաց զհոգին⁸:

Այս երկու նշանավոր պատմական դեմքերին՝ Վասակ և Գրիգոր խաղբակյաններին են նվիրված նորահայտ վիմագիր արձանագրությունները, որոնք ինչ-որ չափով լրացնում են մեծ հայրենասերների կենսագրությունը:

Արձանագրություններից մեկը հայտնաբերվել է 1977 թ. Եղեգնաձորի շրջանում, Թանահատի վանքի հարավային մասի կառույցներից մեկի պատի մեջ⁹: Այն հղված բազալտե խոշոր երեսապատ է (չափերը՝ 1,6×0,70), որն ազուցվել է Վասակ իշխանի 1215 թ. վերակառուցած եկեղեցու որմի մեջ: Երբ 1270-ական թվականներին կառուցվում են ներկայումս պահպանվող Թանահատի եկեղեցիները, հնադույն շինությունները ուղղորդվում զուրս են մնում և աստիճանաբար ավերվում: Դրանց քարերն օգտագործվում են նոր կառույցների համար, որի հետևանքով էլ արձանագրված այս քարը տեղադրվել է պատի մեջ¹⁰:

Թանահատի վանքի շրջակայքի ավերակների պեղումների ընթացքում հայտնաբերված ԹՎ ՈԿԴ (1215) ՆՈՐՈԳԵՑԱԻ համառոտ և անորոշ արձանագրության¹¹ հիման վրա Ի. Ղարիբյանը ենթադրել է, որ V—VII դդ. հնություն ունեցող եկեղեցին ավերվել է XI—XII դդ. և վերանորոգվել 1215 թ.: Նորահայտ արձանագրությունը (նկ. 2) հավաստում է Ի. Ղարիբյանի ենթադրությունը: Միաժամանակ այն տեղեկացնում է, որ 1215 թ. Վասակ խաղբակյանը վերստին նորոգել է Թուրք-սելջուկների կողմից ավերված եկեղեցին և ազատել կոպարից: Տվյալ իրադրության մեջ հնարավոր է ենթադրել, որ իրենց իրավասության տակ գտնվող տիրույթներն ու հաստատությունները


7 Հետագայում Պողոս իշխանը եղբոր անունով կոչեց իր որդիներից մեկին:

8 Կ. Գ ա ն ձ ա կ ե ց ի, էջ 206:

9 Պեղումների հաշվետվությունը տե՛ս Ի. Ղարիբյան, Գլաձորի համալսարանի պեղումները (Բանբեր նրեանի համալսարանի, 1971, № 2, էջ 251—260): Զարտարապետական կառույցների վերաբերյալ ջահեկան ուսումնասիրություն ունի Ս. Ղ. Մ ա Բ ե ո ս յ ա ն ը, Գլաձորի (Թանահատի) վանքի համալիրի ճարտարապետությունը (անտիպ):

10 Հայկական ՍՍՀ Պետլինի հուշարձանների պահպանության և վերականգնման վարչության կողմից սկսվել է Թանահատի վանքի վերանորոգումը: Այդ ընթացքում քարտաշ որմնադիրներ Վ. Մակարյանը և Ս. Չելիբյանը գտել և մեզ են տրամադրել հիշյալ արձանագրությունը, որի համար հայտնում ենք շնորհակալություն:

11 Ի. Ղարիբյան, նշվ. հոդվածը, էջ 253: Ի դեպ, եկեղեցու կառուցման նախորդ շրջանից տեղում հայտնաբերվել են միայն 6 տապանագրեր (Եփիման, պրակ III, էջ 88—89, 92): Մի արձանագրություն էլ եղել է կիսով չափ թաղված խաչքարի վրա, և անվանի վիմագրագետ Ս. Բարխուդարյանը հնարավորություն չունենալով ամբողջացնել խաչքարը երիզող արձանագրությունը, այն, ենթադրաբար, համարել է եկեղեցու կառուցման ժամանակակիցը (Եփիման, պրակ III, էջ 90, արձ. 250): Խաչքարն այժմ գտնվում է էջմիածնում (նկ. 1), արձանագրությունը հետևյալն է՝ ՈԿԴ (1215) ՆՍ ՓՈՒՐԶԱՇԱՀ ԿԱՆԳՆԵՑԻ ԶԽԱԶՍ յԻ ԲԱՐԵ-ԽԱԻՍՈՒԹԻԻՆԻ ԳՐԻԳՈՐՈՒ ԵՂԲԱՆԻ ԻՄՈՑ, ՈՐ ԿԻՍԱԻՐԵԱ ՓՈԽԵՑԱԻ Ի ՔՐԻՍՏՈՆՍ. ՈՐՓ ԸՆԹԵՐԵՆՈՒՔԼ ԶԵՇԵՍԶԻՔ Ի ՔՐԻՍՏՈՆՍ:



Նկ. 2

(այգի, ձիթահան, կուղպակ, գյուղ և այլն) աղատվել են նախկինում սահմանված հարկերից՝ կոպարից: Հավանաբար, սելջուկներն ավերել են հնագույն բազիլիկան, Ստեփանոս Սյունեցու մատուռը և, գուցե, այլ հոգևոր կառույցներ, որոնք գոյություն են ունեցել նախքան նոր Թանահատի վանքի կառուցումը:


Ներկայացնում ենք նորահայտ արձանագրությունը մեր վերծանությամբ (գծ. 1)։

Ի ԹՎԻՍ ՈԿԴ (1215) ՎԷՐՍՏԻՆ ՆՈՐՈԳԵՑԱԻ ՍԼՈՒՐԴ ԵԿԵՂԵՑԻ-
Ս ՅԱՌԱՋՆՈՐԴՈՒԹԵՂԱՄԲԴ ՀԱԻՐ ՍԱՐԿԱԻԱԳԻՆ, ՀՐԱՄԱ-
ՆԱԻ ԱԴՍՏՈՒԱԼԾԱՍԵՐ ԻՇՆԱՆԻՆ ՎԱՍԱԿԱ, ՈՐԴԻՈՅ Խ-
ԱՂԱԿԱ, ԶԻ ԵՐ ՏԱՊԱԼԵԱԼ ՅԱՆԱԻՐԻՆԱՅ ԵԻ
ՍԱ ՇԱՏ ՉԱՐՉԱՐԵԱԼ ԱՐԵԱՄԲ ՉԱՓ, ԱՋԱՏԷԱՅ ԶԵԿԵՂ-
ԵՑԻՔՍ ԻԻՐ ԿՈՊԱՐՈՎՆ ԵԻ ՄԻԱԲԱՆՔ ՍԼՈՒՐԴ ՊԻՆՏԻՍ ԿԱՐԳ-
ԵՑԻՆ ԶՓՈՒՄԱՆ ԱԴՍՏՈՒԱԼԾԱՍԵՆԻՆ Գ (Յ) ԱԻՐ ԶԱՄԵՆ ԵԿԵՂԵՑԻՔՍ...

Ի ԹՎԻՍ ՈԿԴ ՎԷՐՍՏԻՆ ՆՈՐՈԳԵՑԱԻ ՍԼՈՒՐԴ ԵԿԵՂԵՑԻ
Ս ՅԱՌԱՋՆՈՐԴՈՒԹԵՂԱՄԲԴ ՀԱԻՐ ՍԱՐԿԱԻԱԳԻՆ
ՆԱԻ ԱՂԱԿԱ ՍԵՐԻՇԻ ԱՆԻՆՎԱՍԱԿԱ ՈՐԴԻՈՅ
ԱՂԱԿԱ ԶԻ ԵՐ ՏԱՊԱԼԵԱԼ ՅԱՆԱԻՐԻՆԱՅ
ՍԱ ՇԱՏ ՉԱՐՉԱՐԵԱԼ ԱՐԵԱՄԲ ՉԱՓ
ԱՋԱՏԷԱՅ ԶԵԿԵՂԵՑԻՔՍ ԻԻՐ
ԿՈՊԱՐՈՎՆ ԵԻ ՄԻԱԲԱՆՔ ՍԼՈՒՐԴ
ՊԻՆՏԻՍ ԿԱՐԳԵՑԻՆ ԶՓՈՒՄԱՆ
ԱԴՍՏՈՒԱԼԾԱՍԵՆԻՆ Գ (Յ) ԱԻՐ
ԶԱՄԵՆ ԵԿԵՂԵՑԻՔՍ...

Գծ. 1


Երկրորդ արձանագրությունը վերաբերում է 1222 թ. տանջամահ արված Գրիգոր հաղթականին: Գրիգորի կին Զազա իշխանուհին, 1233 թ. ներկայիս Արարատի շրջանի Իմերզեկ գյուղի մոտ, Արշաձորի հանդիսավոր բարձունքի վրա, իրենց տոհմական կալվածքում, կանգնեցնում է ամուսնու հիշատակը



14. 3

հավերժացնող բազալտե խաչքար¹² (նկ. 3), որը կառուցվածքային հստակությամբ ու կատարողական հմտությամբ վիմաքանդակագործության աննախադեպ նմուշ է: Գ. Հովսեփյանը և Գր. Կարախանյանը մանրամասն անդրադարձել են խաչքարի քանդակագործական մոտիվներին ու կատարողական արվեստին¹³, Գ. Հովսեփյանը ընդօրինակել և հրատարակել է պառկած խաչքարի ճակատի համառոտ հիշատակությունները, իսկ թիկունքի արձանագրությունը նա չէր կարող նկատել: Խաչքիվի կենտրոնում փորագրված է Քրիստոսին վերագրվող ԵՍ ԵՄ ԼՈՒՍ ԱՇԽԱՐՀԻ հանրահայտ դարձվածքը, իսկ դրանից ցած՝ Քրիստոսի պատկերը: Վերջինիս ձախ կողմում ոչ թե ավանդական դարձած Աստվածածնի (ինչպես կարծել է Գ. Հովսեփյանը), այլ ՊԵՏՐՈՍ առաքյալի, իսկ աջում՝ ՅՈՂԱՆՆԵՍ առաքյալի քանդակներն են: Խաչքարի ստորին մասի ասեղնագործ շրջագնդում դրոշմված է Գրիգոր իշխանի բարձրաքանդակը, որից ցած, պատվանդանի վրա, փորագրված է՝

ԹՈՒԻՆՆ ԸՁԲ (1233). ԳՐԻԳՈՐ, ՈՐԴԻ ԽԱՂԲԱԿԱ:



Նկ. 4

Գր. Կարախանյանը ընթերցել է խաչքարի թիկունքի արձանագրության առաջին չորս և վերջին երկու տողերը: Նրան մասնավորապես հետաքրքրել է արձանագրության վերջում հիշատակված անձը՝ Աբելը, որին և համարել է այս գեղապատշաճ հորինվածքի քանդակագործը¹⁴: Հայտնի է, որ քարգործ վարպետներն իրենց անունը փորագրում էին ձեռակերտի երևացող մասում,

¹² Երկատված խաչքարը տեղափոխվել է Քչմիածին, ուր և ցուցադրվում է այժմ:

¹³ Գ ա ռ Խ ա ն յ ա ն, Հ ո Վ ս Ե փ յ ա ն, նշվ. աշխ., մասն I, Վաղարշապատ, 1928, էջ 81—82, Գր. Կ ա ռ Խ ա ն յ ա ն, Միշնադարյան կենցաղային քանդակներ (Երիտուրյուն և տեխնիկա, 1975, № 11, էջ 19):

¹⁴ Գր. Կ ա ռ Խ ա ն յ ա ն, նշվ. աշխ.:

խորանախաչի և քիվի միջի կենտրոնական գոտուն կամ խաչքանդակի և ստորին մասի շրջագնդի միջև (ինչպես Զուղայում)։ Սակայն հայտնի է նաև, որ հատկապես XII—XIII դդ. վարպետներն իրենց անունը, կոշման հետ կամ առանց կոշման, հիշատակում էին պատվիրատուի արձանագրության վերջում¹⁵։ Տվյալ դեպքում կիսում ենք Գր. Կարախանյանի կարծիքը՝ Աբելին համարելով Գրիգոր հաղբակյանի հիշատակագիր խաչքարի քարգործ վարպետը։

Խաչքարը բաժանված է երկու մասի, որի հետևանքով եղծված են թիկունքի 12 տողանոց արձանագրության 8 տողերի որոշ տառերը¹⁶։ Սակայն, օգտվելով Կ. Գանձակեցու հաղորդումներից, տառամնացորդներից և ըստ բովանդակության այն վերծանում ենք հետևյալ կերպ (գծ. 2)։

ԱՅՍ ՆՇԱՆ ԿԵՆԱՑ ԿԱՆԳՆ-

ԵԱԼ Ի ՓՐԿՈՒԹԻՂԻՆԻ ԶՋԱԻՐ ԶԱԻՐԱԿԱՆԻ ՔՐԻՍՏՈՍՅԻ ԳՐԻ-

ԳՈՐ ԻՇԽԱՆԻ, ՈՐԴՈ ԽԱՂԲԱԿԱ, ՈՐ ԲԱԶՈՒՄ Ա-

ՐՈՂԻԹԻՂԻՆԻ, ՔԱԶՈՒԹԻՂԻՆԻ ՑՈՒՑԵԱԼ ԸՆԴԴԵՍ ԹՇՆ-

ԼԱՄԵԱՑ ԽՂԱԶԻ ՔՐԻՍՏՈՍՅԻ ԵՒ ՑԵՏՈՑ ԸՄԲՈՆԵԱԼ Ի ԳԱ-

ԼՆՁԱԿ ՇԱՆԶԱՍՏԱՆ, ԱՐԵԱՄԲ ՊՍԱԿԵՑ

ԲԶԿԵԱՆՍ ԻՐԻ ԲԱԶՂՈՒՄ ՏՈՒԺԻՑՆԻ, ՈՐՔ ԵՐԿՐ-

ՊԱԳԷՔ ԶԱՆԴԵՐՁԵԼՅՈՑՆ Ի ՎԵՐԱ ԽԱԶ-

ԻՍ ՑԻՇԵՑԷՔ ԶՄԵԾ ԻՇԽԱՆԻ ԳՐ-

ԻԳՈՐ ԵՒ ԶՋԱՅՆ՝ ԱՄՈՒՍԻՆ ԼՆՈՐԱԼ,

ՈՐ ԶԽԱԶՍ ԿԱՆԳՆԵԱՑ ԵՒ ԶՎԱՍԱԼԿ

ՈՐԴԻ ՆՈՐԻՆ ԳՐԻԳՈՐՈՒ ԱՐԷԼ։

Այսպիսով՝ հրապարակվող նորահայտ արձանագրություններն ունեն ոչ միայն կենսագրական (որը նույնպես կարևոր է), այլ նաև պատմական-տեղական կարևորություն։ Վասակ հաղբակյանի վիճագիր հիշատակագրության շնորհիվ նոր տեղեկություններ ենք ստանում այն մասին, որ սելջուկ ավարառուները մեծ ավերածություններ են կատարել Հայաստանում, հարկատու են դարձրել նաև վանական հաստատությունները։ Բացի այդ, նորովի է հաստատվում այն միտքը, որ Թանահատի վանքը, նախքան նոր եկեղեցիների կառուցումը, եղել է Վայոց ձորի նշանավոր հոգևոր կենտրոններից։

Խիստ արժեքավոր է Կիրակոս Գանձակեցու Պատմության և Գրիգոր հաղբակյանի հիշատակագիր խաչքարի արձանագրության հաղորդումների բացառիկ նույնականությունը։

¹⁵ Այդպես են ստորագրել Գրիգոր Տուտեղդու խաչքարի վարպետ Մխիթարը և իր աշակերտ Ավետիսը (Կ. Ղ տ ֆ ա դ ա ր յ ա ն, Սանահնի վանքը և նրա արձանագրությունները, Երևան, 1957, էջ 180, արձ. 169)։ Նման ուշագրավ մի արձանագրություն էլ պահպանվում է Գեղարդավանքից Շեմիածին տեղափոխված խաչքարի վրա, որի ստորին մասում, բոլորազրի և ուղղագիծ երկաթագրի խառնուրդով գրված է՝ ԿԱՆԿՆԵՑԱԼԻ ԽԱԶՍ ԻՐԱՐԱՆԽԱՆԻՍՈՒԹԻՂԻՆԻ ԳՐԻԳՐՈՐԻ ՎԼԱՐՂԱՊԵՏԻ. ՈՐՔ ԵՐԿՐՊԱՆԷՔ ՑԻՇԵՍՂԻՔ Ի ՔՐԻՍՏՈՍՅԻ, ԸՆԴԴԵՍ ԵՒ ԶՈՂԱՆԵՍ ԿԱԶՄՈՂ ԵՒ ՂՄԵԶՐԻՐԱՐՂ, ԶԻԳՆԱԼՏԻՈՂՍ, ԶԱՐԱԼԶՂԱՄ ԵՎ ԶԱԹԱՆԱՍ ԱՇԽԱՏԱՆՈՅՐՔ (նկ. 4)։ Խաչքարը կանգնեցվել է Այրիվանքի առաջնորդ Գրիգոր վարդապետի հիշատակին, XII դ. վերջում կամ XIII դ. սկզբում։ Ոճաննես վարպետի ձեռագիրտ մի շարք խաչքարեր պահպանվում են Գեղարդում։

¹⁶ Տեխնիկական պատճառներով հնարավոր չէ ստանալ արձանագրության հրապարակելի լուսանկարը։

ԱՅՍՆՇ ԱՆԿԵՆ ԱՅԿԱՆԳՆ
 ԵԱԼԻՓՐԿՈՒԹԻՆ ՉԵԼԻՉԱԼԻԱԿԱԽԻՒ ԳՐԻ
 ԳՄԻՇԽԱՆԻՄԴՈՒՄԱԷԱԿԱՄԲԱՉՈՒՄԱ
 ՈՐՈՇԻՔԱՋՈՒԹԻՅՈՒՅԵԱԼԸՆԴԵՄԴՈՇ
 ԱՂԻԲԻԵԻՅԵՆՈՅԸՄԲՈՒՆԵԱԼԹԱ
 ՀԱՄԻԱՆԱԼԵԱԼԹԱԿԵՅ
 ՈՒՄԻՈՒՅԻՆՈՐԴԵՐԿՐ
 ՈՅՆԻԿԵՐԱԽԱՂ
 ԻՍՅԻՇԵԼԹԱՆՈՐԴԵՐԿՐ
 ԻԳՄԵԼԹԱՆԱՌՍԻՆ
 ՄՁԻԱՂՍԿԱՆԳՆԵԱՅԵԼԹԱՆ
 ՄԴԻՆՄԻՆԳՐԻԳՄՈԱԲԵԼ

78. 2

Թանահատի վանքից էջմիածին տեղափոխված խաչքարի արձանագրու-
թյունը ուշագրավ է ժամանակագրական առումով (1215 թ.) և հայոց անձնա-
նունների մեջ առաջին անգամ դիտված Քուրդաշահ անվան հիշատակությամբ:

Առաջին անգամ վերծանվող և հրապարակվող սույն արձանագրությունները, համողված ենք, օգտակար նյութ են պարունակում իսլաբական նշանավոր տոհմի առավել ամբողջական պատմության ստեղծման համար և այդ առումով դրանց հալագիտական նշանակությունը անվերապահ է:

НОВОВЫЯВЛЕННЫЕ НАДПИСИ О ХАХБАКЯНАХ

СУРЕН САГУМЯН

Резюме

Васак и Григор Хахбакяны являются выдающимися деятелями национально-освободительного движения XII—XIII вв. Васак совместно с Липаритом Орбеляном освободил от иноземных захватчиков Вайоц дзор и впоследствии был назначен Захарянами наместником области Гарни-Баргушат.

В 1222 г. во время битвы с кичахами близ Гандзака Григор был взят в плен и казнен.

Нововыявленные надписи касаются деятельности Васака и Григоря и с этой точки зрения представляют значительный интерес.

Надписи, относящиеся к деятельности Васака Хахбакяна, обнаружены в 1977 г. во время раскопок Танаатского монастыря (Ехегнадзорский район).

Согласно этим надписям, Васак в 1215 г. отремонтировал местные церкви и освободил их от налогов. В 1233 г. жена Григора, княгиня Заза, в память своего супруга в селе Имирзек Араратского района установила хачкар с надписью, гласящей о великих подвигах своего супруга Григора. Указанный хачкар (мастер Абел) ныне находится в Эчмиадзине. Надпись его целиком издается впервые.